

PARLAM L' OCCITAN DAU LEMOSIN

PRUMIERA LEIÇON

LEMOSIN E OCCITAN

Bonjorn vautres!
Me 'pele Micheu,
Sei Lemosin;

Sei occitan perque ieu parle la mesma linga que mos amics :

- los Provençaus,
- los Gascons,
- los Lengadocians,
- los Auvernats,

Sem tots occitans.

Te tanben, si ses lemosin, ses Occitan.

Mon **pair** e ma **mair** son d'aquí.
Ilhs parlan pas mau nòstra linga.

Mas qu'es mon grand pair que parla lo **mielhs**;
eu l'a totjorn parlada, dins son vilatge.

L'occitan qu'es la linga de mon pòple, daus paisans e de tots
los trabalhaires : lo maçon, lo menúsier, lo bargier, lo bolengier ...

Qu'es per quò qu'ai **enveja** de la parlar.

VOCABULARI : lo pair (*le père*) ; la mair (*la mère*) ; mielhs (*mieux*)
; l'enveja (*l'envie*).

CHAVILHAS : e (*et*) ; dins (*dans*) ; qu'es per quò (*c'est pour cela*) ;
per aquò (*pour cela*)

EXPRESSIONS : te tanben (*toi aussi*), me tanben ...

L'ACCENT TONIC : règle d'accentuation

*Dans les mots terminés par une consonne :
la dernière syllabe est tonique : l'occitan*

- Dans les mots terminés par une voyelle :

l'avant-dernière syllabe est tonique : la linga

*Quand il y a exception à cette règle générale,
la syllabe tonique porte un accent écrit :*

1- toujours aigu dans le cas de i : aquí

2- soit aigu, soit grave dans le cas de a, o :

*- l'accent aigu ne modifie pas la prononciation de la voyelle :
preniá, pastissariá*

- l'accent grave la modifie : papà, nòstra

L'ARTICLE DEFINIT :

lo Lemosin

la Lemosina

los Provençaus

las lingas

Present de l'Indicatiu

CONJUGASONS :

Pronoms

ieu, (iu, i')

tu

eu, ela, ('la)

nos, nautres

(am)

vos, vautres

(atz)

ilhs, elas, ('las)

iú, tu... *emploi facultatif*

Èsser, Estre (*être*)

sei, (sai)

ses

es

sem, som

setz

son

Aver (*avoir*)

(i') ai

(t') as

a

avem,

avetz,

an

Parlar (*parler*) verbe regular

parle

parlas

parla

parlem, parlam

parlatz

parlen, parlan

REMARCA :

Eu l'a totjorn parlada (*toujours parlée*) ; accord du participe.